

Aermisee

Zwösche Lindebärg ond Erlöse, sanft iibettet zwösche
Baldegger- ond Hallwilersee
liit zmetzt im Tal wie keis anders Dorf, Aermisee

D'Aermiseerlüt wählid drei Gmeinrotsmanne, mer het sie gärn
doch no vel mehstolz send mer of euse Egli Seppi,
Regierigsrot z'Lozärn

650 Seele zählt das bodeständig Volch i dere Gmein
ond sehr veli devo wohnid i ihrem Eigeheim
406 Hektare gross isch s'Dorf met em Land
227 Hektare misst i de Erlöse de Wald

Obwohl nor no 19 Milchlieferante d'Milch i Dorfchäsi brengit
mer au höt no vomene Buuredorf singid
als kompakti Buuredorfsiedlig e Perle onder de Dorfbelder
wiit omenand
als Pilotobjekt im Amt Hofdere, Denkmolpfleg vel g'studiert
eusi Baute am Aabachstrand
doch nor eso werd Aermisee sini Schöheit bewahre
für die nöchschi Generation, für eusi Nachfahre

Of de Moräne Herrebärg wohnt mer im Grüene met Bleck of de
Baldegger- ond Hallwilersee
im Oberdorf entsoht e grossi Wohnsiedlig, mer het dem Projekt
de Name Nagelmatt gäh
drü mol täglich lütet s'Glöggli im Torm vo de St. Jakobskapelle
im 16. Johrhondert erbauet, im 1983 restauriert, met Freske gschmückt
esch sie es Chliod ond werd bestuunt vo allne

Im neue Schulhuus met feuf Klassezemmer, enere grosse
Mehrzweckhalle ond emene Chindergarte
idem Gmeindzentrom tuet sech Dorfbevölkerig zor Gmeinschaft erwarte
Ei Lehreri ond zwee Lehrer onterrechtid Primarschüeler zor Ziit
die grosse Schüeler bsuechid de Onterrecht d'Hetzchöuch
es esch jo ned eso wiit

I eusem Dorf gets zwee Korporatione, die gmischt ond die rein
e Männerchor, es Jodlerchörli, d'Laak Valey ond de Schützeverein
Brass Band Aermisee spielt erscht Klass Muusig
die darf mer ghöre, potz tuusig
s'turne für die Junge ond für d'Seniore ond sogar für d'Media
scho vor zeh Johre het de SVKT i eusem Dorf Izog gha
immer am Donnstignomittag isch s'Mukiturne, das isch famos
all Monet einisch isch für die ganz Chline im Spielnäschtli öppis los
so isch z'Aermisee für Abwechslig es vielsietigs Angebot do
mer muess es nur annäh ond amne Ort bischtoh

Sit Mönschegedänke lauft z'mittsd durs Dorf de Aabach
I früehner Zyte sind drei Mühlene ond Sagi triebe worde mit Wasserchraft
hüt stöhnt die Mühlene still ond idyllisch
leider e keini devo me im Betrieb isch
Am 6. März isch Fredlistag z'Aermisee
händ ehr de alti schöni Bruch au scho einisch gseh
d'Liechtli schwimmig friedlich uf em Bach
ond lüchtid hell ond mängisch au schwach
vo 1882 bis 1934 het de Kunstmoler Franz Elmiger glebt
als begabte Künstler het er viel schöni Idyll vo Aermisee gmolet
ond eso eusere Nochwelt gschenkt

Bahn 2000 git de Aermiseerlüt z'dänke wäg de Seetalbahn
z'Luzern het mer för die e neue Plan
hüt fahrt de Seetaler vo Hetzchöuch–Riesee uf Mose
die neu Variante wär, südlich vom Dorf i Tunnel onter d'Erlose
viel Aermiseerbürger sind im Bsitz vo viele Jute Wald
Güeterzämelegig wär notwendig, ich hoffe sie chöm bald
i eusem Dorf get's immer no e sone Tante Emma Lade
do chasch no fascht alles chaufe, wordisch das gar ned erwarte
i de Dorfbäckerei do wird no jede Tag guets Brot bached
recht viel Handwerker i ihrne eigne Betrieb flissig schaffed
viel Angestellti holid de Verdienst i de nöche Industrie
das wird au sicher i Zuekunft eso si

Aermisee es romantisches Dorf mit eme g'sunde Buurestand
es eigewilligs Vöikli mit viel Herz ond Verstand
wer gern es friedliches Dorf amne Bach möcht gseh
bsuecht amne schöne Sommertag, Aermisee.

1987